

**DIRECCIÓN XENERAL DE PLANIFICACIÓN  
LLINGÜÍSTICA Y NORMALIZACIÓN**

Serviciu de Planificación Llingüística y Normalización

**Resolución** de 8 de xunu del 2018

Pola que s'aprueba la convocatoria de subvenciones pa la promoción de la música n'asturianu y en gallego-asturianu, en réxime de concurrencia competitiva

**RESOLUCIÓN**

Examináu l'espiediente de referencia, resulten estos

**ANTECEDENTES DE FECHU**

**Primero.-** L'Estatutu d'Autonomía del Principáu d'Asturies y la Llei 1/98, de 23 de marzu, d'Usu y Promoción del Bable Asturianu, señalen como competencia del Principáu'l fomentu y la protección del asturianu nes sos variantes que, como modalidaes llingüístiques, úsense nel territoriu del Principáu d'Asturies, amás del gallego-asturianu nel so ámbitu.

De magar s'aprobó esta normativa, el Principáu d'Asturies asumió la dirección, coordinación y execución de les actividaes rellacionaes col asturianu y foi estableciendo midies específiques de promoción d'ello, respetando siempre los principios de llibertá y voluntariedá nel so usu pola ciudadanía. Ente estes midies figura la convocatoria de subvenciones o ayudas que dexen impulsar l'usu del asturianu y del gallego-asturianu n'iniciatives particulares, empresariales o asociatives, y en xeneral como vehículu d'espresión cultural.

**Segundo.-** La xestión de la política llingüística ta incardinada n'ámbitu de la Conseyería d'Educación y Cultura en virtú de lo dispuesto en Decretu 6/2015, de 28 de xunetu, de Reestructuración de les Conseyeríes qu'integren l'Alministración de la Comunidá Autónoma, en rellación col Decretu 65/2015, de 13 d'agostu, pol que s'establez la estructura orgánica básica d'aquella.

**Tercero.-** Por Resolución de la Conseyería d'Educación y Cultura de 13 de mayu del 2016 (*BOPA* de 16 de xunu del 2016) aprobáronse les bases reguladores de subvenciones pa la promoción de la música n'asturianu y en gallego-asturianu.

**Cuarto.-** Por Resolución de 22 de febreru del 2018, de la Conseyería d'Educación y Cultura (*BOPA* n.º 53 de 5 de marzu del 2018) apruébase'l Plan Estratéxicu de Subvenciones pa los exercicios 2018 y 2019, que'l so Anexu I incluye la llinia de subvenciones pa la promoción de la música n'asturianu y, nel so ámbitu, en gallego-asturianu.

**Quinto.-** D'aluerdu colo dispuesto na Resolución de 16 de mayu del 2005, de la Conseyería d'Economía y Alministración Pública, pola que s'establez el sistema d'información contable de l'Alministración del Principáu d'Asturies y el so sector públicu y apruébense les normes sobre los procedimientos de xestión, tramitación y réxime de contabilidá na execución del presupuestu de gastos, la Intervención Delegada, en fecha 6 de xunu del 2018, emitió'l correspondiente informe fiscal favorable.

**FUNDAMENTOS DE DERECHU**

**Primero.-** La Llei 38/2003, de 17 de payares, Xeneral de Subvenciones, establez n'artículu 22 que'l procedimientu ordinariu de concesión de subvenciones ha tramitase en réxime de concurrencia competitiva, quier dicise, cola aprobación de la convocatoria pública correspondiente depués de l'aprobación de les bases reguladores de la mesma. Amás, el Decretu 71/1992, de 29 d'ochobre, pol que se regula'l Réxime Xeneral de Concesión de subvenciones, establez nos artículos 6.2 y 7 que l'otorgamientu de subvenciones innominaes y xenériques n'ámbitu de la comunidá autónoma del Principáu d'Asturies ha realizase pente medies de convocatoria pública, depués de l'aprobación de les bases reguladores de la mesma.

**Segundo.-** La competencia p'aprobar les bases y convocar la concesión de la subvención correspuende a la Conseyería d'Educación y Cultura, al amparu de lo dispuesto n'artículu 38 de la Llei del Principáu d'Asturies 6/1984, de 5 de xunetu, del Presidente y del Conseyu de Gobiernu, y n'artículu 5 del Decretu 6/2015, de 28 de xunetu, de Reestructuración de les Conseyeríes qu'integren l'Alministración de la Comunidá Autónoma.

**Tercero.-** L'autorización del gastu ye competencia de la persona titular de la Conseyería d'Educación y Cultura d'alcuerdu colo estableció n'art. 41 del Testu Refundíu del Réxime Económicu y Presupuestariu, aprobáu por Decretu Llexislativu del Principáu d'Asturies 2/1998, de 25 de xunu, en rellación col artículu 8.1 de la Llei del Principáu d'Asturies 6/2016, de 30 d'avientu, de Presupuestos Xenerales pal 2017, prorrogaos pal exerciciu 2018.

**Cuarto.-** La Llei 38/2003, de 17 de payares, Xeneral de Subvenciones, afita nel so artículu 23.2 el conteníu mínimu de les convocatories aprobaes pol órganu competente.

**Quinto.-** Esta convocatoria, en cuantes que dirixida a entidaes que desenvuelven actividaes económiques, atópase sujeta al Reglamentu (UE) n.º 1407/2013 de la Comisión, de 18 d'avientu del 2013, relativu a l'aplicación de los artículos 107 y 108 del Tratáu de Funcionamientu de la Unión Europea a les ayudes de *minimis* (DOUE L 352, de 24/12/2013), norma esta d'algame xeneral, aplicable directamente y obligatoria en tolos sos elementos.

**Sesto.-** Existe creitu afayadizu y abundu na aplicación presupuestaria 14.10.422R.472.001 de los Presupuestos Xenerales del Principáu d'Asturies pal exerciciu 2017 prorrogaos pal exerciciu 2018.

Polo tanto, vistos los preceptos llegalos mentaos y demás d'aplicación xeneral, pola presente

### RESUELVO

**Primero.-** Autorizar un gastu destináu a esta convocatoria, por importe de 20.000,00 € (VENTI MIL EUROS), con cargu a l'aplicación presupuestaria 14.10.422R.472.001, de los Presupuestos Xenerales del Principáu d'Asturies pal exerciciu 2017 prorrogaos pal exerciciu 2018.

**Segundo.-** Aprobar la convocatoria pública de subvenciones, en réxime de concurrencia competitiva, pa la promoción de la música n'asturianu y en gallego-asturianu, que se va desenvolver d'alcuerdu coles prescripciones que de siguío s'inxerten:

#### 1.- Oxetu

**1.1.** Esta convocatoria tien por oxetu la concesión d'ayudes económiques, en réxime de concurrencia competitiva, a empreses privaes pa la promoción de la música n'asturianu y en gallego-

asturianu, que se realice en diversos soportes físicos o dixitales, colos requisitos establecíos tanto nes bases reguladores como nesta convocatoria pública de subvenciones.

A los fines de la normalización social, l'asturianu, o nel so casu'l gallego-asturianu, ha ser la llingua normal y vehicular en qu'apaezan les lletres de los cantares y tolos textos impresos o dixitales qu'acompañen a la obra musical. Amás, polo menos la metá de los temes del discu han tener lletra y tar cantaos n'asturianu o gallego-asturianu.

Los proyectos subvencionables van ser los realizaos, amás d'a lo llargo del exerciciu d'esta convocatoria, hasta la fecha máxima de xustificación establecida nella, nos meses de payares y avientu del 2017.

**1.2.** Ensin perxuiciu de la posible presentación de dellos proyectos por cada solicitante, namás van poder ser oxetu de subvención un máximu de cuatro de los proyectos presentaos. Nesi casu, van entendese automáticamente desestimaos los proyectos presentaos por una mesma solicitante que sacaren peor puntuación en comparanza colos sos proyectos meyor puntuaos.

## 2.- Réxime xurídicu

Ensin perxuiciu de lo dispuesto na Llei Xeneral de Subvenciones y el Reglamentu (UE) n.º 1407/2013 de la Comisión, de 18 d'avientu del 2013, relativu a l'aplicación de los artículos 107 y 108 del Tratáu de Funcionamientu de la Unión Europea a les ayudes de *minimis* (DOUE L 352, de 24/12/2013), esta convocatoria de subvenciones va rexise poles Bases reguladores aprobaes por Resolución de la Conseyería d'Educación y Cultura de 13 de mayu del 2016 (BOPA de 16 de xunu del 2016) pa la promoción de la música n'asturianu y en gallego-asturianu.

## 3.- Gastos subvencionables

Los gastos subvencionables van ser los establecíos na base V de la Resolución de la Conseyería d'Educación y Cultura de 13 de mayu del 2016 (BOPA de 16 de xunu del 2016), pola que s'aprueben les bases reguladores de la concesión de subvenciones pa la promoción de la música n'asturianu y en gallego-asturianu.

Los gastos indirectos del proyectu van ser subvencionables hasta un máximu del 10 % del presupuestu aprobáu, siempre qu'a criteriu de la Comisión de Valoración seyan necesarios y xustificaos pal so desenvolvimientu, y s'estableza a les clares el porcentaxe d'imputación de los mesmos nel presupuestu presentáu.

## 4.- Requisitos pa solicitar la subvención y forma d'acreitalos

**4.1.** Va poder presentase a esta convocatoria como solicitante cualquier empresa privada (persona física o xurídica) dedicada a la producción musical y que tenga'l domiciliu social, establecimientu o delegación comercial nel Principáu d'Asturies. La empresa ha cumplir los requisitos establecíos na base III de la Resolución de la Conseyería d'Educación y Cultura de 13 de mayu del 2016 (BOPA de 16 de xunu del 2016), pola que s'aprueben les bases reguladores de la concesión de subvenciones pa la promoción de la música n'asturianu y en gallego-asturianu.

**4.2.** La solicitud ha presentase nel modelu normalizáu que s'incorpora como Anexu I a esta convocatoria. El formulariu mentáu atópase disponible tamién na sede electrónica del Principáu d'Asturies ([www.asturias.es](http://www.asturias.es)), portal onde ta publicada la ficha de serviciu, que se va poder localizar introduciendo'l códigu 20023519 nel buscador de cabecera (asitiáu na parte cimera derecha de la páxina, na que se va atopar amás el testu íntegu de la Resolución de Convocatoria, les bases reguladores y información complementaria).

Ha presentase una solicitú por cada proyectu.

**4.2.1.** La solicitú tien necesariamente d'acompañase de los documentos que s'indiquen de siguío:

— **Nel casu de persona física:**

- Fotocopia del DNI (\*).
- Fotocopia del últimu recibu d'ingresu de cuota del Réxime Especial de Trabayadores Autónomos. Si se solicita más d'un proyectu, esti documentu namás ye menester presentalu nuna ocasión.

— **Nel casu d'entidá xurídica:**

- Fotocopia del NIF (\*).
- Fotocopia d'escritura de constitución y les sos modificaciones. Si se solicita más d'un proyectu, esti documentu namás ye menester presentalu nuna ocasión. De toles maneres, si la escritura ya se presentó primero pola entidá solicitante en cualquier Alministración, nun va tar obligada a proporcionar esta documentación, siempre qu'indique en qué momentu y ante qué órganu alministrativu lo presentó.
- Fotocopia del DNI de la persona qu'actúe como representante de la entidá (\*). Esa condición de representante ha acreitase a la fecha de presentación de la solicitú.

— **Tanto les persones físiques como xurídiques han presentar en cada proyectu:**

- a) Documentu actualizáu acreitativu de tar dada d'alta n'epígrafe correspondiente del IAE (\*) y informe de situación d'alta de la entidá solicitante nel Sistema de la Seguridad Social a fecha de presentación de la solicitú (\* namás persones físiques).

El conteníu de la documentación presentao d'alcuertu con esti apartáu ha acreitar que la entidá cumple coles condiciones pa ser beneficiariu d'estes ayudes, según lo previsto nel puntu 4.1.

- b) Documentación acreitativo de que la entidá solicitante tien el domiciliu social, establecimientu o delegación comercial nel Principáu d'Asturies (\*).
- c) Ficha d'acreedores rellenada de manera correcta y tramitada pola entidá bancaria (namás cuando se solicite subvención del Principáu d'Asturies pela primer vez, o cuando hubiere dalgún cambéu qu'haya que señalar nella).
- d) Proyectu detalláu, qu'ha tener como conteníu mínimu y imprescindible esti:

- Calendariu de realización y execución del proyectu. El proyectu ha tener como fecha máxima d'execución el 30 de payares del 2018.
- Tipu de soporte y número d'exemplares.
- Intérpretes o músicos principales, especificando la so trayectoria.
- Número de temas y lletres de los mesmos, amás de los testos que van apaecer nos creitos del discu.
- Instrumentación, producción musical, nel so casu, y estudiu de grabación.
- Trayectoria de la empresa discográfica n'actividaes de producción y edición musical, o de los profesionales de la mesma que s'encarguen del proyectu.

e) Presupuestu equilibráu qu'incluya les partíes que lu integren, recoyendo los gastos y ingresos de l'actividá pa la que se solicita ayuda, onde se recueya l'aportación económica de la persona o entidá solicitante pal desenvolvimientu de l'actividá; esta tien que ser polo menos d'un 10 % del presupuestu total de l'actividá. Nel presupuestu ha facese constar l'importe de l'ayuda económica solicitada pol peticionariu, que nun tien que pasar del 90 % del presupuestu total del proyectu.

f) Certificación acreitativa de que la entidá atópase al corriente de les sos obligaciones tributaries, de nun ser deudora cola Hacienda del Estáu, nin cola Hacienda del Principáu d'Asturies y del pagu de cotizaciones a la Seguridá Social (\*).

g) Declaración responsable de la persona que represente a la entidá, relativa a nun tar incurso esta nes prohibiciones pa obtener la condición de beneficiaria, previstes n'artículu 13 de la Llei 38/2003, de 17 de payares, Xeneral de Subvenciones, y de que xustificó les subvenciones y ayudas concedíes enantes pola Comunidá Autónoma (incorporada al formulariu de solicitú).

h) Declaración responsable relativa a otres subvenciones, ayudas, ingresos o recursos solicitaos y, nel so casu, concedíos pa la mesma finalidá, por cualquier Alministración Pública o entes públicos o privaos, nacionales o internacionales, con indicación de la entidá concedente, fecha y importe; en casu contrariu, declaración de que nun solicitó nengún tipu d'ayuda pa la realización d'esta actividá (incorporada al formulariu de solicitú).

**4.2.2.** La presentación de la solicitú pola entidá solicitante va implicar, nun siendo que se manifieste lo contrariu, l'autorización al órganu xestor pa recabar la información correspondiente cola mira de verificar los requisitos anteriores marcaos con asteriscu (\*). Si l'interesáu nun diere'l consentimientu, ha presentar los documentos marcaos con asteriscu (\*) acreitativos del cumplimientu de los requisitos mentaos, y el nun los presentar va ser causa pa pidí-ylos d'aluerdu colo previsto n'artículu 68 de la Llei del Procedimientu Alministrativu Común de les Alministraciones Públiques.

**4.3.** Amás de la documentación mentao n'apartáu anterior, d'aluerdu col artículu 6 del Reglamentu (UE) n.º 1407/2013 de la Comisión, de 18 d'avientu del 2013, relativu a l'aplicación de los artículos 107 y 108 del Tratáu de Funcionamientu de la Unión Europea a les ayudas de *minimis*, la persona o entidá solicitante ha presentar declaración, escrita o en soporte electrónicu, referente a toles demás ayudas de *minimis* recibíes nos dos exercicios fiscales anteriores y a lo llargo del exerciciu fiscal en cursu que tean suxetes al Reglamentu mentáu o a otros reglamentos de *minimis*. Esa declaración ha incorporase nel modelu de solicitú.

En nengún casu van subvencionase proyectos d'entidaes solicitantes nos que l'importe total de les ayudes de *minimis* concedies pase de 200.000 euros en cualquier periodu de trés exercicios fiscales.

### **5.- Comisión de Valoración y órganu competente pa la instrucción y resolución del procedimientu**

**5.1.-** La Comisión va tar presidida pola persona titular de la Dirección Xeneral competente en materia de política llingüística (o persona en quien delegue), y integrada por un mínimu de trés y un máximu de cinco persones que van actuar en calidá de vocales, de les que polo menos dos van ser personal adscritu al órganu instructor y les demás van poder ser persones vinculaes al ámbitu de la llingua y cultura asturiana. Va actuar como secretariu/a un empleáu públicu o una empleada pública con adscripción a la Dirección Xeneral competente en materia de política llingüística.

En casu d'ausencia o enfermedá, y en xeneral cuando se dea dalguna causa xustificada, los miembros titulares de la Comisión de Valoración van sustituyise polos que l'órganu competente designe como suplentes.

**5.2.-** L'órganu instructor va ser el Serviciu de Planificación Llingüística y Normalización, resolviéndose'l procedimientu por resolución de la persona titular de la Conseyería d'Educación y Cultura.

El plazu máximu pa resolver y notificar la resolución del procedimientu va ser de seis meses. El plazu va computase de magar se publique la convocatoria correspondiente.

Trescurrió'l plazu máximu ensin recayer resolución espresa, les entidaes solicitantes van poder entender desestimaes les solicitúes por silenciu alministrativu.

### **6.- Plazu y sitiu pa la presentación de solicitúes**

**6.1.** Les solicitúes han presentase nel plazu de 20 díes hábiles a cuntar dende l'otru día de publicase l'extractu d'esta convocatoria en *BOPA*, según modelu normalizáu qu'apaez como Anexu I d'esta convocatoria, formulariu que s'atopa amás disponible na ficha de serviciu publicada na sede electrónica del Principáu d'Asturies (<https://sede.asturias.es>). Pa la so localización pue introducirse'l códigu 20023519 nel buscador de la cabecera (asitiáu na parte cimera derecha de la páxina).

Les solicitúes van poder presentase nel Rexistru Xeneral del Principáu d'Asturies (cai Trece Roses, n.º 2, planta plaza, 33005, Uviéu), tamién va poder iniciase electrónicamente'l trámite na sede electrónica del Principáu d'Asturies dende la ficha de serviciu 20023519, o per cualquier otu mediu establecíu n'artículu 16.4 de la Llei 39/2015, de 1 d'ochobre, del Procedimientu Alministrativu Común de les Alministraciones Públiques.

Si n'usu d'esti derechu la solicitú se manda per corréu, ha presentase en sobre abiertu pa que personal de Correos feche y selle la solicitú.

El formulario de solicitú (Anexu I) ha acompañase de tola documentación esixío.

Si la solicitú nun tien los requisitos establecíos na norma de convocatoria, l'órganu competente va riquir a la persona o entidá interesada pa que la subsane nel plazu máximu y improrrogable de 10 díes hábiles, indicándoy que si nun lo fixere va considerase desistida de la so solicitú, previa resolución qu'ha dictase nos términos previstos n'artículu 68 de la Llei 39/2015, de 1 d'ochobre, de Procedimientu Alministrativu Común de les Alministraciones Públiques.



## 7.- Procedimientu de concesión

7.1. El procedimientu de concesión de subvenciones va tramitase en réxime de concurrencia competitiva, na forma establecida n'artículu 24 de la Llei Xeneral de Subvenciones, coles precisiones conteníes na base XI de la Resolución de la Conseyería d'Educación y Cultura de 13 de mayu del 2016 (*BOPA* de 16 de xunu del 2016), pola que s'aprueben les bases reguladores de la concesión de subvenciones pa la promoción de la música n'asturianu y en gallego-asturianu.

La resolución del procedimientu va publicase en *Boletín Oficial del Principáu d'Asturies*. Esa publicación va surtir efectos propios de la notificación, y ello d'alcuerdu colo estableció n'artículu 45.1 y concordantes de la Llei del Procedimientu Alministrativu Común de les Alministraciones Públiques.

Esta resolución pon fin a la vía alministrativa y contra ella pue interponese recursu contencioso-alministrativu o, nel so casu, recursu potestativu de reposición qu'ha interponese ante l'órganu que dictó la resolución.

7.2. Namás van poder recibir subvención aquellos proyectos qu'algamen o superen la puntuación mínima de 51 puntos, por una cantidá máxima de 5.000 € por proyectu y siendo'l 90 % el porcentaxe máximu subvencionable del presupuestu aprobáu axustáu.

7.3. Los proyectos van ordenase pola puntuación llograda, n'orde decreciente (de mayor puntuación a menor puntuación), estableciéndose una prelación ente los mesmos cola mira de determinar el porcentaxe subvencionable del presupuestu aprobáu axustáu, que se va aplicar a tenor d'estos tramos de puntuación:

- Si'l proyectu llogra ente 100 y 91 puntos, la cuantía de la subvención va ser el 90 % del presupuestu aprobáu axustáu.
- Si'l proyectu llogra ente 90 y 81 puntos, la cuantía de la subvención va ser el 88 % del presupuestu aprobáu axustáu.
- Si'l proyectu llogra ente 80 y 71 puntos, la cuantía de la subvención va ser el 86 % del presupuestu aprobáu axustáu.
- Si'l proyectu llogra ente 70 y 61 puntos, la cuantía de la subvención va ser el 84 % del presupuestu aprobáu axustáu.
- Si'l proyectu llogra ente 60 y 56 puntos, la cuantía de la subvención va ser el 80 % del presupuestu aprobáu axustáu.
- Si'l proyectu llogra ente 55 y 51 puntos, la cuantía de la subvención va ser el 75 % del presupuestu aprobáu axustáu.

7.4. Cuando'l creitu autorizáu nun seya abondo pa financiar les cantidaes asignaes d'alcuerdu colos criterios de valoración señalaos enantes, va menguase la cuantía de les subvenciones que se conceden, distribuyendo'l déficit de financiación proporcionalmente a la cantidá asignada de primeres.

## 8.- Criterios de valoración

D'aluerdu cola base X de la Resolución de la Conseyería d'Educación y Cultura de 13 de mayu del 2016 (*BOPA* de 16 de xunu del 2016), la Comisión va valorar los proyectos según los criterios afitaos nes mesmes y acordies con esti desglose:

- a) Grau d'elaboración, detalle y concreción del proyectu presentáu: hasta un máximu de 10 puntos, señalándose:
- Máximu grau, que dexa una valoración óptima del proyectu (con presentación de maqueta): 10 puntos.
  - Bon grau, que dexa una valoración destacable del proyectu: 7 puntos.
  - Abondu grau, que dexa una valoración adecuada del proyectu: 5 puntos.
  - Grau escasu, que dexa una valoración mínima del proyectu: 2 puntos.
  - Grau nulu, que nun dexa valoración: 0 puntos.
- b) L'interés y la calidá artística del proyectu, atendiendo a parámetros como'l calter innovador de la propuesta artística, el grau d'escelencia de la mesma, la calidá lliteraria de les lletres y la calidá de los intérpretes y la instrumentación: hasta un máximu de 20 puntos.
- c) El porcentaxe de temes en llingua asturiana o en gallego-asturianu que contenga'l discu: hasta un máximu de 30 puntos, señalándose:
- Si tolos temes tán n'asturianu o gallegu-asturianu: 30 puntos.
  - Si ente'l 80 % y el 99 % de los temes tán n'asturianu o gallego-asturianu: 20 puntos.
  - Si ente'l 51 % y el 79 % de los temes tán n'asturianu o gallego-asturianu: 10 puntos.
  - Si'l 50 % de los temes tán n'asturianu o gallego-asturianu: 5 puntos.
- d) Trayectoria de la empresa discográfica o de profesionales de la mesma que s'encarguen del proyectu, n'actividaes de producción y edición musical: hasta un máximu de 10 puntos, señalándose:
- Trayectoria bien consolidada, cola xestión y edición de más de diez proyectos musicales con abonda proyección pública: 10 puntos.
  - Trayectoria bien consolidada, cola xestión y edición d'ente seis a diez proyectos musicales con abonda proyección pública: 7 puntos.
  - Trayectoria abondo consolidada, cola xestión y edición d'ente trés a cinco proyectos musicales con abonda proyección pública: 5 puntos.
  - Trayectoria ensin consolidar: 1 puntu.
- e) Trayectoria artística del grupu o cantante: hasta un máximu de 10 puntos, señalándose:
- Artista o grupu con abondosa obra conocida, amás de poles sos actuaciones en directo, por tener polo menos trés discos grabaos o que foren gallardonaos col «Premiu al Meyor Cantar» o otros premios musicales de prestixu reconocíu: 10 puntos.
  - Artista o grupu con obra conocida, amás de poles sos actuaciones en directo, por tener polo menos un discu grabáu: 7 puntos.
  - Artista o grupu con escasa obra conocida, fundamentalmente poles sos actuaciones en directo: 5 puntos.
  - Artista o grupu ensin obra conocida: 2 puntos.



f) Grau de corrección llingüística na realización del proyectu: hasta un máximu de 20 puntos con esti detalle:

- Escelente corrección ortográfica, sintáctica y riqueza léxica: 20 puntos.
- Bona corrección ortográfica, sintáctica y riqueza léxica: 10 puntos.
- Abonda corrección ortográfica y sintáctica: 5 puntos.
- Insuficiente corrección ortográfica y sintáctica: 0 puntos.

### 9.-Pagu de la subvención

Con calter xeneral, el pagu de les subvenciones va facese efectivu depués de xustificalo na forma establecida na base decimocuarta de la Resolución de la Conseyería d'Educación y Cultura de 13 de mayu del 2016 (*BOPA* de 16 de xunu del 2016) pente medies de tresferencia bancaria a la cuenta asignada pola persona beneficiaria.

A pesar de lo indicao nel párrafu anterior, con calter escepcional nesta convocatoria, d'alcuerdu colo dispuesto nes bases XVI.2 y XVII.b de la Resolución de la Conseyería d'Educación y Cultura de 13 de mayu del 2016 (*BOPA* de 16 de xunu del 2016), los proyectos subvencionaos con un importe inferior a seis mil diez euros (6.010 €) van pagase desque pasen 15 díes hábiles de la publicación de concesión en *BOPA*, siempre que nun medie renuncia espresa del solicitante.

En tolos casos, pa proceder al pagu de la subvención concedida ríquese presentar el certificáu del órganu correspondiente qu'acreíte tar al corriente de les obligaciones tributaries y cola Seguridá Social, y nun tener deudes cola Facienda del Principáu d'Asturies, llibrándose d'esta obligación cuando la cantidá de la subvención, por beneficiariu y añu, nun pase de 3.005,06 €, tal como s'establez n'artículu 10.3 d) del Decretu 71/92, de 29 d'ochobre, que regula'l Réxime Xeneral de Concesión de Subvenciones.

De toles maneres, el pagu antemanáu de la subvención nun quita de la obligación d'acreditar en plazu'l cumplimientu de les condiciones establecíes na resolución de concesión.

### 10.- Xustificación de la subvención

La xustificación ha llevase a cabu na forma establecida na base XIV de la Resolución de la Conseyería d'Educación y Cultura de 13 de mayu del 2016, pola que s'aprueben les bases reguladores de la concesión de subvenciones pa la promoción de la música n'asturianu y en gallego-asturianu en réxime de concurrencia competitiva (*BOPA* de 16 de xunu del 2016), pol sistema de cuenta xustificativa; en concreto, la llista clasificada de gastos y inversiones de l'actividá ha presentase según modelu Anexu II a esta convocatoria, formulariu que s'atopa tamién disponible na ficha de serviciu publicada na sede electrónica del Principáu d'Asturies (<https://sede.asturias.es>). Pa la so localización va poder introducise'l códigu 20023519 nel buscador de la cabecera (asitiáu na parte cimera derecha de la páxina).

Como muestra de l'actividá subvencionada va haber qu'apurir 25 exemplares de la obra musical editada en CD o DVD; cuando se trata d'una obra editada en soporte dixital, ha acompañase soporte físicu y una muestra escrita onde queden reflexaes les característiques finales del proyectu subvencionáu.

El plazu máximu pa la xustificación de les ayudes concedíes va ser el 30 de payares del 2018.

### 11.- Revocación, reintegru y réxime de sanciones.

La revocación, reintegru y réxime de sanciones ha llevase a cabu d'aluerdu a lo estableció na base XIX de la Resolución de la Conseyería d'Educación y Cultura de 13 de mayu del 2016 (*BOPA* de 16 de xunu del 2016), pola que s'aprueben les bases reguladores de la concesión de subvenciones pa la promoción de la música n'asturianu y en gallego-asturianu.

Atendiendo a lo dispuesto nesa base XIX, l'incumplimientu del proyectu superior al 50 % va equivalir a la revocación dafechu de la subvención concedida.

**Tercero.-** Disponer la publicación del estractu d'esta convocatoria en *Boletín Oficial del Principáu d'Asturies (BOPA)*, pudiendo consultase'l testu completu de la mesma na Base de Datos Nacional de Subvenciones (<http://www.pap.minhap.gob.es/bdnstrans/index>), d'aluerdu colo previsto n'artículos 18.2 y 20.8.a) de la Lley 38/2003, de 17 de payares, Xeneral de Subvenciones.

Esti actu pon fin a la vía alministrativa y contra él pue interponese:

- a) Recursu potestativu de reposición ante l'Ilmu. Sr. Conseyeru d'Educación y Cultura. El plazu pa la presentación d'esti recursu va ser d'un mes.
- b) Recursu contencioso-alministrativu ante la Sala de lo Contencioso-Alministrativu del Tribunal Superior de Xusticia del Principáu d'Asturies. El plazu pa la presentación d'esti recursu va ser de dos meses.

Estos dos recursos nun pueden simultaniase y el plazu pa la so interposición va cuntase, en dambos casos, dende l'otru día de publicase esta resolución en *Boletín Oficial del Principáu d'Asturies* (d'aluerdu a lo estableció n'artículu 28 de la Llei del Principáu d'Asturies 2/1995, de 13 de marzu, sobre Réxime Xuridicu de l'Alministración del Principáu d'Asturies; y n'artículu 123 de la Llei 39/2015, de 1 d'ochobre, del Procedimientu Alministrativu Común de les Alministraciones Públiques). Too esto ensin perxuiciu de que los interesaos puedan exercitar cualquier otu recursu que-yos paeza oportunu.

EL CONSEJERO DE EDUCACIÓN Y CULTURA

Genaro Alonso Megido



GOBIERNU DEL  
PRINCIPAU D'ASTURIES

## Datos de la persona solicitante

### Persona física

Primer apellíu

Segundu apellíu

Nome

NIF/NIE

TIE/Certificáu UE

Teléfonu (fixu/móvil)

Corréu electrónicu

### Persona xurídica

Razón social

N.I.F.

**Representante llegal** (Cumplimentar namás cuando la solicitú se formule por persona distinta de la solicitante o cuando ésta sía una persona xurídica)

Primer apellíu

Segundu apellíu

Nome

NIF/NIE

TIE/Certificáu UE

Teléfonu (fixu/móvil)

Corréu electrónicu

**Poder notarial** Códigu Seguru de Verificación (CSV). Cumplimentar en casu de que se disponga d'un poder notarial de representación.

### Señes a efectos de notificación

Cai/Plaza

Nº

Bloque

Esc.

Pisu

Puerta

CP

Provincia

Conceyu

Llugar

Los datos facilitaos nos apartaos corréu electrónicu y teléfonu van usase pa mandar información sobre l'estáu de la solicitú, mesmo que pa otres comunicaciones electróniques rellacionaes cola tramitación del procedimientu.

## Oxetu de la solicitú

### SUBVENCIONES A LA PROMOCIÓN DE LA MÚSICA N'ASTURIANU Y EN GALLEGO-ASTURIANU:

Denominación del proyectu

Cantidá solicitada

€

Presupuestu total del proyectu

€

Data d'empiezu del proyectu

Data final del proyectu

### Datos bancarios

Entidá

Sucursal

N.º Cuenta

C.IBAN

Entidá

Sucursal

DC

Cuenta

Solicitó o llogró otres ayudes públiques o privaes en rellación con esta solicitú?

☐ Sí

☐ Non

Ayudes solicitaes o llograes d'entidaes públiques o privaes

(Cumplimentar cuando proceda)

Órganu xestor (Cumplimentar cuando proceda)



# ANEXU I - SUBVENCIONES PA LA PROMOCIÓN DE LA MÚSICA N'ASTURIANU Y EN GALLEGO-ASTURIANU.

Páxina 2 de 2

Espaciu reserváu pa rexistru alministrativu



GOBIERNU DEL  
PRINCIPAU D'ASTURIES

Cola presentación d'esta solicitú y d'aluerdu col artículu 28.2 de la Llei 39/2015, de 1 d'ochobre, de Procedimientu Alministrativu Común de les Alministraciones Públiques, entiéndese que los interesaos autoricen la consulta o llogru d'aquella documentación elaborada por cualquier Alministración, sacante que conste nel procedimientu la so oposición espresa o la llei aplicable rica consentimientu espresu.

Nesti sentíu, el Principáu d'Asturies va consultar, al traviés de les plataformes d'intermediación de datos o otros sistemes electrónicos habilitaos pa ello, los documentos necesarios pa la resolución del procedimientu al que se refier esti formulariu y que se citen darréu:

- > Al Ministeriu competente en materia d'Interior, la consulta de los datos d'Identidá (DNI/NIE/TIE/Certificáu Comunitariu-UE).
- > Al Ministeriu competente en materia de Notaríes, la consulta de Copia Simple de Poderes Notariales, nel casu de representación por poder notarial.
- > A l'Axencia Estatal de l'Alministración Tributaria, la consulta de tar al corriente nel cumplimientu de les obligaciones tributaries estatales.
- > Al Ente Públicu de Servicios Tributarios del Principáu d'Asturies, la consulta de tar al corriente nel cumplimientu de les obligaciones tributaries cola Hacienda del Principáu d'Asturies.
- > A la Tesorería Xeneral de la Seguridá Social, la consulta de tar al corriente nel cumplimientu de les obligaciones frente a la Seguridá Social.
- > A la Tesorería Xeneral de la Seguridá Social, la consulta de tar dau d'alta na Seguridá Social a fecha concreta (nel casu de persones físiques).
- > A l'Axencia Estatal de l'Alministración Tributaria, la consulta de tar dau d'alta nel Impuestu d'Actividaes Económiques (IAE)
- > A l'Axencia Estatal de l'Alministración Tributaria, la consulta de datos de domiciliu fiscal.
- > A l'Axencia Estatal de l'Alministración Tributaria, la validación del NIF del contribuyente.

Pue exercer el so derechu d'oposición al traviés de la sede electrónica del Principáu d'Asturies accediendo a [www.asturias.es/oposicionconsulta](http://www.asturias.es/oposicionconsulta) y siguiendo les instrucciones marcaes na ficha del procedimientu. Sia como quier, si exerce el derechu d'oposición, habrá aportar tolos datos y documentos riquíos nel procedimientu.

La persona solicitante declara:

- > Que son ciertos y completos tolos datos de la presente solicitú, mesmo que tola documentación que presenta (la falsedá nun documento públicu ye un delitu, acordies col artículu 392 del Códigu Penal).
- > Que se compromete a cumplir les condiciones que s'especificuen na normativa aplicable, que conoz na so integridá.
- > Nun tar incursu nes prohibiciones pa llograr la condición de beneficiariu, señalaes nos apartaos 2 y 3 del artículu 13 de la Llei 38/2003, de 17 de payares, Xeneral de Subvenciones.
- > Alcontrase al corriente nel cumplimientu de les sos obligaciones tributaries y cola Seguridá Social.
- > Nun ser deudor de la Hacienda Pública del Principáu d'Asturies por deudes venceles, liquidaes y esibibles.
- > Proceder a la xustificación de les subvenciones y ayudas concedíes con anterioridá pola Comunidá Autónoma.
- > Comprometese a comunicar y documentar, nel so casu, la solicitú o llogru de subvenciones o ayudas pa la mesma finalidá procedentes d'otres Alministraciones Públiques o entes públicos o privaos.

| EPÍGRAFE                 | INFORMACIÓN BÁSICA SOBRE PROTECCIÓN DE DATOS                                                                                                                                                                                                                                                                                             |
|--------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| ACTIVIDÁ DE TRATAMIENTU: | Subvenciones pa la promoción de la música n'asturianu y en gallego-asturianu, en réxime de concurrencia competitiva.                                                                                                                                                                                                                     |
| RESPONSABLE:             | Dirección Xeneral de Planificación Llingüística y Normalización, dependiente de la Consejería d'Educación y Cultura                                                                                                                                                                                                                      |
| FINALIDÁ:                | Los datos personales recoyíos pa esti procedimientu, amás de los xeneraos nel trescuru de la rellación alministrativa, van tratase pa xestionar los expedientes de subvención, tramitaos pol Serviciu de Planificación Llingüística y Normalización.                                                                                     |
|                          | Los datos personales van incorporase tamién a la Base Corporativa de Terceros, que tien como finalidá la xestión de los datos personales de toles persones que tengan o tuvieren contactu cola Alministración del Principáu d'Asturies pa garantizar la so fiabilidad..                                                                  |
| LLEXITIMACIÓN:           | Cumplimientu d'una misión realizada n'interés públicu o nel exerciciu de poderes públicos, según dispón l'artículu 6.1e) del Reglamentu Xeneral de Protección de Datos (RXPd).                                                                                                                                                           |
| DESTINATARIOS:           | Nun se van ceder datos a terceros.                                                                                                                                                                                                                                                                                                       |
| DERECHOS:                | Pue exercer los derechos d'accesu, rectificación, supresión, oposición, llimitación del tratamientu y portabilidad, al traviés del Serviciu d'Atención Ciudadana (SAC) de l'Alministración del Principáu d'Asturies, presentando'l formulariu normalizáu disponible en <a href="https://sede.asturias.es">https://sede.asturias.es</a> . |
| INFORMACIÓN ADICIONAL:   | Pue consultar la información adicional na sede electrónica del Principáu d'Asturies, accediendo a <a href="https://sede.asturias.es/Asturias/RGPD/20023519ProteccionDatosAsturiano.pdf">https://sede.asturias.es/Asturias/RGPD/20023519ProteccionDatosAsturiano.pdf</a>                                                                  |

En/N'

a

de/d'

de/d

Firma/s

ÓRGANU AL QUE SE DIRIXE:

CÓDIGU D'IDENTIFICACIÓN  
(DIR):

Pa llograr **más información** d'esti serviciu pue llamar al teléfonu d'atención ciudadana **012** o **985 279 100**, si la llamada la fai dende fuera del Principáu d'Asturies, o bien acudir a [www.asturias.es](http://www.asturias.es). Tamién pue unviar el formulariu de solicitú al traviés de la sede electrónica del Principáu d'Asturies: <https://sede.asturias.es> o al traviés del Rexistru Electrónicu de l'Alministración Xeneral del Estáu <https://rec.redsara.es/registro/action/are/acceso.do>



## LISTA CLASIFICADA DE GASTOS Y INVERSIONES

[illegible]

➤ HAN CUBRISE TANTES FUEYES COMO SEYA MENESTER.

(1)⇒La llista classificada de gastos ha referise atol proyectu, y han aseñalase con asteriscu les factures que, contenfes na llista, s'axunten a efectos de xustificación.

(2)⇒S'I' beneficiariu ta obligáu a facer la declaración d'IVA, l'importe xustificáu ha correspondese cola base imponible de la factura.

(3)⇒Suma importe xustificáu (non solo de les factures axuntaes).